

۳۷ كندى لباسنى بيله صاتوب بردانه صاتون آلسون ❖ زيرا سزه
ديرمكه اشو مسطور اولان دخی اتمام اولنسه كركدر يعنى
فاسدردن معدود اولدى چون بنم حقمده اولان شيلرك نهايتى كلدی
۳۸ ❖ انلرایسه یارب اشته بوراده ایکی قلیج وار دیدیلر . اولدخی انلره
کفایت ایدر دیدی .

۳۹ و چیقوب عادتی اوزره زیتون طاغنه واردی وشاکردلی دخی اکا
۴۰ تبعیت ایتدیلر ❖ ایمدی اول یره واصل اولدقده انلره اغوايه دوشمامك
۴۱ ایچون دعا ایدك دیهرك ❖ كندیسی انلردن بر طاش آتمی قدر
۴۲ آیریلوب و دیز چوکوب دعا ایدرك ❖ ای پدر اگر استرسهك بوكاسه یی
بندن كچور . نهایت بنم ارادتم دكل انجق سنك ارادتك اولسون دیدی
۴۳ ۴۴ ❖ بر ملاك دخی سمدان اکا کورینوب انی قوتلندردی ❖ اما غایت
اضطرابده اولوب کمال حرارتله دعا ایدردی و یره دوشن تری ایری
۴۵ قان طمله لری کبی ایدی ❖ و دعدان قالقوب شاگردلینه کلدکده انلری
۴۶ غمدن او یور بولدی ❖ و انلره نیچون او یورسکن اغوايه دوشمامك ایچون
قالقوب دعا ایدك دیدی .

۴۷ اما او دهها سویلر ایکن اشته خلق (ظهور ایدوب) اون ایکیدن اولان
یهودا نام کسنه اوکلرنده کیدهرك عیسی یی اوچك اوزره یانته کلدی
۴۸ ❖ عیسی دخی اکا ای یهودا ابی الانسانی اوپش ایله می تسلیم
۴۹ ایدیورسن دیدی ❖ و اطرافنده اولنلر اشبو وقوعاتی کوردکده اکا
۵۰ یارب قلیج ایله اورلم می دیهرك ❖ انلردن بر یسی باش کاهنك
۵۱ خدمتکارینه اوروب صاغ قولاغنی دوشردی ❖ عیسی دخی جواب
ویروب سز قویویرك بو قدر یتشور دیدی و انك قولاغنه دوقوب

(۳۹) مت ۲۶ ۳۶ مر ۱۴ ۳۲ یوح ۸ ۱۸ . (۴۰) مت ۲۶ ۴۱ مر ۱۴ ۳۸ . (۴۱) مت ۲۶ ۳۸
مر ۱۴ ۳۵ . (۴۲) یوح ۶ ۳۸ . (۴۴) یوح ۱۲ ۲۷ عب ۵ ۷ . (۴۷) مت ۲۶ ۴۷ مر ۱۴ ۴۳ یوح ۱۸ ۳۳
(۵۰) مت ۲۶ ۵۱ مر ۱۴ ۴۷ یوح ۱۸ ۱۰ .